



**H**ermannus à teneris annis sacris literis operam dedit, atq; ob foelix ingeniū breui egregius Theologus factus est. Itaq; præpositus S. crucis non procul à Hildesheim constitutus est. In ea functione talem sese exhibuit, ut ab omnibus diligeretur. Itaq; postea 23. præsul Hildesheimensis factus est. Erat autem pietate & doctrina conspicuus, præterea insigni eloquentia & prudentia præditus. Itaque Germaniæ principes in grauissimis causis eum sæpius Legatum ad Fridericum Barbarossam Cæsarem miserunt, apud quem in magna authoritate & existimatione fuit. Cū hoc modo diu suæ ecclesiæ optimo exemplo præfuisset,

tandem religionis causâ Hierosolymam proficisci statuit. Verum cum alijs in maris tempestatibus naufragium passus, solus ferè in ruderibus nauis hæres ad littus peruenit. Inde nihilominus Hierosolymam contendit, & in itinere mendicando uictum quæsiuit, 1177. Ibi à fratribus cognitus, & honorificè exceptus fuit, qui ipsum liberaliter persecuti & comætu & pecunia iuuerunt, ut ad suos redire posset. Verum cum uotum soluisset, & in Italiam redisset, anno decimo tertio sui Episcopatus moritur. Ano.